

# HOËR VOLKSKOOL

## GRAAFF-REINET



## PROSPEKTUS

2019

**SKOOLLIED VAN**  
**HOËR VOLKSKOOL**

O, Spandaukop jou fierheid  
verwasem voor die gloed  
van Graaff-Reinet se volksiel  
en Afrikanermoed

Laat wêreldstad maar wemel  
Laat see maar aanhou spoel  
Hoër Volkskool staan hier rotsvas

Almal streef en werk en woel

\*\*\*\*\*

**DIE SKOOLWAPEN EN LEUSE**

Die wapen is deur mnr. J.A. Smith die destydse redakteur van die plaaslike Onze Courant ontwerp.

Die leuse: ***ONS SAL HANDHAAF***, is deur C.J. Langenhoven voorgestel.

## INHOUDSOPGAWE

<b>Kontakbesonderhede .....</b>	<b>1.</b>
<b>Geskiedkundig .....</b>	<b>2.</b>
<b>Die visie en missie van Hoër Volksskool .....</b>	<b>4.</b>
<b>Middele waarmee Hoër Volksskool sy strewe kan verwesenlik ...</b>	<b>5.</b>
<b>Gedragkode en Dissiplinêre Beleid vir leerlinge van Hoër Volksskool .....</b>	<b>7.</b>
<b>Gedrag .....</b>	<b>10.</b>
<b>Kleredrag .....</b>	<b>12.</b>
<b>Netheid en voorkoms .....</b>	<b>15.</b>
<b>Juwele en Versierings .....</b>	<b>16.</b>
<b>Hare .....</b>	<b>17.</b>
<b>Dissipline .....</b>	<b>18.</b>
<b>Vakkeuses .....</b>	<b>19.</b>
<b>Klerewinkel .....</b>	<b>20.</b>

## **KONTAKBESONDERHEDE**

### **HOËR VOLKSKOOL**

**Plasketstraat / Posbus 21  
GRAAFF-REINET  
6280**

**Telefoon** : (049) 891 0514  
**Faks** : (049) 891 0515 / 086 6132 897  
**Webwerf** : [www.hvsgrt.org.za](http://www.hvsgrt.org.za)  
**E-pos** : [hoof@hvsgrt.org.za](mailto:hoof@hvsgrt.org.za)  
: [ontvangs@hvsgrt.org.za](mailto:ontvangs@hvsgrt.org.za)  
: [finansies@hvsgrt.org.za](mailto:finansies@hvsgrt.org.za)  
**Facebook** : Hoër Volksskool Graaff-Reinet  
**Bankbesonderhede** : Hoër Volksskool  
Eerste Nasionale Bank Beperk  
Graaff-Reinet-tak  
Takkode - 210 216  
Rekeningnommer - 620 142 87 157  
Verw.: naam van leerder

### **HUIS CRONJÉ**

**Somersetstraat / Posbus 60  
GRAAFF-REINET  
6280**

**Telefoon** : (049) 892 2373  
**Bankbesonderhede** : Huis Cronjé  
Eerste Nasionale Bank Beperk  
Graaff-Reinet-tak  
Takkode - 210 216  
Rekeningnommer - 620 343 44 614  
Verw.: naam van leerder

## HOËR VOLKSKOOL

### GESKIEDKUNDIG

As die eerste Hoërskool in Kaapland met Afrikaans as sy enigste voertaal, beklee Hoër Volksskool 'n besondere plek in die geskiedenis van Kaapland se Onderwys en deur die jare het hy steeds as 'n baanbreker sy plek op die terrein van die Afrikaanse kultuur konsekwent gehandhaaf. Uit beroemde voorsate soos die "Midland Seminary" vir dogters, en die "Boy's College" stam die Hoër Volksskool. Aan die einde van 1919 word dr. G. von W. Eybers as hoof van die "Boy's College" aangestel en toe hy Nederlands deur Afrikaans vervang, het die poppe begin dans. Die Engelse ouers het nie met hierdie dubbelmedium seunskool genoeg geneem nie en stig 'n private Engelse kerkskool wat later in die "Union High School" ontwikkel het. In 1921 word ds. J.F. Naudé bevestig as leraar van die NG-Gemeente en hy dring daarop aan dat die Taalordonnansie in die "Midland Seminary" tot sy reg moet kom, want hy het twee skoolgaande dogters gehad. Na 'n besoek van die destydse SGO, dr. Viljoen en sy hoofinspekteur, is besluit dat die ontevredeenes 'n skool sal kry waar Engels die voertaal sou wees en dat Afrikaanssprekende kinders in één skool sou saamkom onder hoofskap van dr. G. von W. Eybers om in hul moedertaal hul onderrig te ontvang. Die noodsaaklikheid van 'n Afrikaanse skool het na die stigting in 1922 duidelik geblyk toe Afrikanerseuns en -dogters van heinde en ver gekom het om onderrig te ontvang – in so 'n mate dat die skool spoedig vergroot moes word.

In 1926 is dr. Eybers opgevolg deur mnr. U. J. Cronjé wat 26 jaar lank die skool verder uitgebou en ontwikkel het. Sy hartstogtelike liefde vir die Afrikaanse taal en kultuur het 'n groot indruk gemaak en aansteeklik gewerk en so het Volksskool gedy tot 'n skool met 'n Afrikaanse tradisie wat ongeëwenaard is.

Die verwoestende brand van 8 Mei 1949 en die gevolglike verwoesting van die gebou waar soveel lief en leed gedurende 'n kwarteeu van toewyding deurgemaak is, kon die skool se trotse tradisie nie uitwis nie. Die oue het verbygegaan! Dit het alles nuut geword! Aan die einde van 1952 lê adv. Cronjé die tuig neer en die volgende jaar kom mnr. G. J. Smit as nuwe hoof. In sy tyd vind die skeiding van die twee skole plaas. Aan die begin van die tweede kwartaal 1954 het die sekondêre leerlinge en personeel verhuis na die nuwe Hoërskool in Plasketstraat. Mnr. H. C. de Beer het agtergebly as hoof van Laer Volksskool.

In 1954 is ook die pragtige nuwe koshuis, Huis Cronjé, betrek en is begin met die aanlê van die rugbyveld en atletiekbaan. Op 29 en 30 September 1955 neem die geagte SGO, dr. Meiring, die amptelike opening van die hoërskoolgeboue, sowel as Huis Cronjé, waar.

In 1958 kom mnr. D. L. van den Berg as opvolger van mnr. G. J. Smit. In sy tyd het die getalle so gestyg dat 'n nuwe koshuis, Handhaaf, ontstaan het. Mnr. M. B. Brink

kom in 1964 en in sy tyd het die hokkieveld 'n werklikheid geword en is die borsbeeld van wyle dr. H.F. Verwoerd deur mev. Betsie Verwoerd op 11 Oktober 1960 onthul. Die Brink-era word op luisterryke wyse afgesluit met 'n pragtige en onvergeetlike jubileumfees in 1972. Die volgende drie jaar lank hou mnr. P. Bruwer die fort en begin Oktober 1976 neem mnr. A. Hattingh die leisels oor.

Kenmerke van die Hattingh-era was die baie fisiese geriewe wat die skool bygekry het. Voorbeelde hiervan is die swembad, verdere rugby-, hokkie- en krieketvelde, asook netbal- en tennisbane. Die droom van 'n kafee en 'n eie klubhuis (Die Volksie) is ook in sy tyd verwesenlik. As oortuigde Christen en Afrikaner in murg en been het mnr. Hattingh 'n diep stempel op die leerlinge van Volksskool afgedruk. In sy tyd het die skool gegroei tot een van dié Afrikaanse skole op die platteland. Teen die einde van sy termyn beleef die skool ook 'n bloeitydperk wat leerlinggetalle betref.

Aan die begin van Oktober 1993 het mnr. J. Rossouw as agste skoolhoof by mnr. Hattingh oorgeneem. Gedurende Januarie 1997 is mnr. Rossouw gesekondeer na die Distrikskantoor as Onderwys-ontwikkelingsbeampte.

Vanaf 1997 word mnr. Fourie aangestel as waarnemende hoof en op 1 Oktober 1999 word hy aangestel as skoolhoof. Die pos het hy met besonderse toewyding tot en met sy afsterwe in 2012 beklee. Onder sy vaandel het Graaff-Reinet 'n merksentrum vir die matriekeksamens geword. Hierdie inisiatief is 'n groot finansiële inspuiting vir die skool.

Mnr. J.T. Dörfling het vanaf 20 Junie 2011 as waarnemende skoolhoof opgetree toe mnr. Fourie weens gesondheidsredes die skool moes verlaat. Mnr. H. van Rooyen is op 1 Oktober 2013 as skoolhoof aangestel en het aan die einde van 2018 afgetree. Mnr. J.T. Dörfling tree weer op as waarnemende hoof vanaf Januarie 2019.

Vandag kan die Hoër Volksskool met trots terugkyk op wat hy vanaf sy stigting bereik het. Hy het seuns en dogters onderrig wat hulle plek op elke gebied van die samelewing volstaan. Met trots kan Volksskool ook daarop aanspraak maak dat die Voortrekkerbeweging hier ontstaan het, omdat hy kort na die stigting 'n onderwyser, Japie Heese, wat so 'n beweging hier begin het, gehad het.

'n Tradisie is geskep en die grondslae vir toekomstige sukses is gelê. Die skool vra getrouheid aan hierdie tradisie. Mag die leuse, "Ons sal Handhaaf", steeds 'n inspirasie vir die toekoms wees.

## **HOËR VOLKSKOOL SE VISIE EN MISSIE**

### **VISIE**

***OM MET ALLE BESKIKBARE MIDDELE, ELKE LEEERLING TOT SY VOLLE POTENSIAAL TE LEI.***

### **MISSIE**

***OM 'N WARE TUISTE VIR DIE AFRIKAANSSPREKENDE KIND TE BIED DEUR :***

- die Christelike waardes en norme voortdurend te bevorder :
- vaderlandsliefde te bevorder :
- eerbied vir die andersheid vir die verskeidenheid inwoners van die RSA te bevorder :
- trots en liefde vir die Afrikaanse taal en kultuurgoedere te handhaaf en uit te bou :
- die tradisie van die skool te handhaaf en uit te bou :
- samewerking en positiewe gesindhede tussen die skool, ouerhuis, kerk en samelewing na te streef en te beoefen :
- liefde en eerbied vir die natuur en die bewaring daarvan aan te wakker :
- liefde en waardering vir die skone aan te kweek en talente te ontwikkel :
- die leerlinge tot selfdisipline te lei deur die handhawing van ordelikheid en dissipline :
- akademiese onderrig en geleenthede sodanig aan te bied en te reël dat elke kind sy akademiese potensiaal ten volle sal verwesenlik :
- 'n verskeidenheid sportsoorte aan te bied ten einde gesonde liggaamlike ontwikkeling en die aankweek van 'n positiewe sportiewe gesindheid te bewerkstellig :
- met ewewigtige opvoeding die kind tot verantwoordelike volwassenheid te lei.

# **MIDDELE WAARMEE HOËR VOLKSKOOL SY**

## **STREWE KAN VERWESENLIK**

### **1. AKADEMIESE GEBIED**

Die vakkeuse is so beplan dat daar vir haas elke studierigting voorsiening gemaak word. Daar word gepoog om die kind in geheel op te voed deur hom nie reeds vroeg in sy ontwikkelingsjare in 'n eng studiekanaal in te forseer nie.

### **2. EKSTRA KURRIKULÊRE BEDRYWIGHEDE**

#### **2.1 SPORT: (Afrigting in die volgende sportsoorte word aangebied) :**

Atletiek / Krieket / Skiet / Muurbal / Swem / Netbal / Tennis / Boogskiet / Hokkie / Rugby / Gholf / Tweekamp

#### **2.2 KULTUREEL GODSDIENSTIG: (Leerlinge kan aan die volgende deelneem) :**

VCSV /Skaakklub / Landsdiens / Debatsvereniging / Redenaarskompetisie / ATKV-Jeugtak (Volksmond) / Kekkelvolksie (skoolkoerant)

### **3. BUITESKOOLSE BEDRYWIGHEDE : Aan leerlinge word periodiek geleentheid gebied om deel te neem aan :**

Jeugleierskursusse / Avontuuruitstappies / Lewensvaardighede / Kunstefeeste en Kultuuraande / Woordfees / Bloedskenk / Noodhulp

### **4. BUITESKOOLSE EKSAMENS : Geleentheid word aan leerlinge gebied om aan die volgende deel te neem :**

Taalbondeksamen / Wiskunde-, Rekenaar-, Rekeningkunde- en Wetenskapolimpiades / Wêreldkennisolimpiade / WOW-Spelfees

### **5. SKOOLGELD:**

'n Verpligte bedrag word jaarlikse gehef. Hierdie bedrag sluit nie handboeke, notas en skryfbehoeftes in nie en word uitsluitlik vir bedryfsuitgawes aangewend. (Inligtingstuk aangeheg)

### **6. BOEKVERSKAFFING:**

Handboeke, hoofsaaklik geskikte, gebruikte boeke kan van die HVS Opvoedkundige Trust gehuur word. Dit bly die eiendom van die Trust en moet deur die huurder op eie koste vervang word indien dit verlore raak of beskadig word.

### **7. HUIS CRONJÉ LOSIESGELD**

Kwartaalliks vooruitbetaalbaar, ongeag die aansoek om/of toekenning van finansiële hulp deur die staat.



**8. SKOOLTYE:**

**SOMERTYE:** *Januarie tot einde April en September tot Desember:*

- Die skool begin daaglik om 07:10 en verdaag om 13:30.
- Op die eerste skooldag van die week of aan die begin van 'n nuwe kwartaal begin die skool om 07:30.
- Vrydae verdaag die skool om 13:00

**WINTERTYE:** *Mei tot einde Augustus:*

- Die skool begin daaglik om 07:10 en verdaag om 13:00
- Op die eerste skooldag van die week of aan die begin van 'n nuwe kwartaal begin die skool om 08:00.
- Vrydae verdaag die skool om 13:00

## **GEDRAGSKODE EN DISSIPLINÊRE BELEID VIR LEERLINGE VAN HOËR VOLKSKOOL**

Alhoewel die Staat die verpligting het om Onderwys beskikbaar en toepaslik te maak, moet dit aangevul word deur die toewyding en aanvaarding van verantwoordelikheid deur ander vennote in die Onderwys, in hierdie geval die leerders.

### **DOELWITTE VAN DIE GEDRAGSKODE:**

1. Uitbouing van die visie en missie van Hoër Volksskool.
2. Die skep van 'n opvoedkundige milieu.
3. Daarstel van 'n gelukkige en geordende skoolgemeenskap.
4. Ontwikkeling van 'n trots vir die skool, skooldrag, netheid van die terrein en respek om eiendom te beskerm.
5. Handhawing van ferm, dog billike en regverdigte dissipline met die doel om selfdissipline onder leerders te bevorder.
6. Vestiging van onberispelike gedrag, respek, goeie maniere en bedagsaamheid van elke leerder teenoor alle vovassenes en medeleerders.
7. Vestiging van maatreëls ter handhawing van die orde op alle vlakke en gebiede van die skoollewe.
8. Om remediërende aksies te loods wat negatiewe gedrag aanspreek.

### **REGTE VAN INDIVIDUE EN GROEPE:**

1. Demokrasie op alle vlakke.
2. Geen diskriminasie.
3. Privaatheid, respek en waardigheid.
4. 'n Geweldvrye omgewing, vryheid en sekuriteit vir elke leerder.
5. 'n Goeie en effektiewe opvoedingstelsel.

Alhoewel Artikel 5(3)(B) van die SA-Skolewet bepaal dat: *“n leerder nie toelating tot die skool geweier kan word omdat sy/haar ouers nie die gedragskode van die skool onderskryf nie”*, word dit in Artikel 9(4) van die SA-Skolewet duidelik gestel dat: *“geen bepalings van hierdie wet stel 'n leerder vry van die verpligting om die gedragskode van die skool wat deur sodanige leerder bygewoon word, na te kom nie.”*

Dit beteken dus dat ALLE LEERDERS verplig word om te voldoen aan die vereistes van die gedragskode van die skool. Hierdie gedragskode is 'n oordraagbare dokument wat nie elke jaar hernu hoef te word nie.

Die nie-lees van hierdie dokument is nie 'n geldige verskoning indien die leerder die dokument ontvang het nie.

Die SA-Skolewet se klassifikasie van ernstige en minder ernstige oortredings is van toepassing.

### **ALGEMEEN:**

1. Leerders mag nie minagting teenoor die Republiek van Suid-Afrika se nasionale simbole openbaar nie.
2. Verkeersreëls moet eerbiedig word.
3. Eiendom van die skool of derde persone mag nie beskadig, ontsier of gesteel word nie.

4. Leerders moet **betyds** vir skool opdaag. Leerlinge wat laat kom, meld by die kantoor aan.
5. Leerders mag nie op die skool- of koshuisterrein of terwyl hy/sy lid van 'n groep is wat die skool verteenwoordig of in skooldrag geklee is, enige rookgoed, dwelms of alkoholiese drank in sy/haar besit hê/gebruik nie. Geen huishoudelike middels wat 'n bedwelvende uitwerking mag hê, mag gebruik word nie. Dit bly die skool se morele plig om ouers in te lig van oortredings wat onder ons aandag kom, maar wat nie onder die jurisdiksie van die skool val nie. (Sien dwelmbeleid)
6. Leerders mag nie aanstootlike leesstof/materiaal op die terrein, of terwyl hulle in skooluniform geklee is, of terwyl die skool verteenwoordig word, in hul besit hê nie.
7. Leerders mag nie gevaarlike items of wapens op die terrein, of in skooluniform, of terwyl die skool verteenwoordig word, in hul besit hê nie.
8. Geen geriewe of toerusting van die skool mag sonder toestemming van die personeel gebruik word nie.
9. Daar word van alle leerders verwag om aan 'n buitemuurse aktiwiteit deel te neem.
10. Bakleiry, vuiltaal of terugpratory teenoor 'n skeidsregter op 'n sportveld word nie geduld nie.
11. Matriekafskiede: metgeselle kan slegs graad 10 to 12 ingeskrewe leerders van skole wees en bewys moet gelewer word.

### **AFWESIGHEID:**

1. Afwesigheid sonder 'n geldige verskoning is 'n **wetsoortreding**.
2. Die skoolhoof moet **skriftelik/telefonies** deur die ouer/voog in kennis gestel word van enige vorm van afwesigheid.
3. Afwesigheid gedurende **toetse/eksamen/werkopdragte wat deel vorm van 'n jaarpunt**, moet deur 'n **doktersbrief** vergesel word. **Punte word verbeur indien hierdie reël oortree word.**
4. Wanneer 'n leerder afwesig was, is dit sy verantwoordelikheid om toe te sien dat agterstallige werk ingehaal word.

### **TASSE, SKRYFBEHOEFTE EN HANDBOEKE:**

1. Versterkte rugsakke, wat handboeke beskerm, moet gebruik word.
2. Slegs **nie-programmeerbare sakrekenaars** mag gebruik word.
3. Handboeke moet met plastiek oorgetrek word (geen "contact" nie)
4. Skryfboeke moet op 'n welvoeglike manier oorgetrek word.
5. Daar mag nie met **permanente ink** in handboeke geskryf word nie.
6. Handboeke word ingehandig tydens die Novembereksamen op die dag wat die laaste vraestel in 'n bepaalde vak geskryf word. Indien die handboek beskadig is/nie ingehandig word nie, sal die skool dit op die **leerder/ouer se koste vervang**.

### **TERREIN:**

1. Leerders **mag nie** na skoolure (insluitend naweke en vakansies), sonder verlof die skoolterrein betree nie.
2. Leerders **mag nie** die skoolterrein tydens skoolure, sonder toestemming, verlaat nie. Toestemming kan slegs deur die skoolhoof/sy gemagtigdes gegee word.
3. Alle besoekers (ouers ingesluit) **moet by** die kantoor aanmeld.
4. **Geen** harde voorwerpe mag op die terrein gegooi word nie, tensy dit deel is van 'n amptelike sportoefening onder toesig.
5. Om netheid van die terrein te verseker, **moet** rommel in die bestemde houers gegooi word.

6. Blomme, blare/takke **mag nie** op die terrein, sonder toestemming van die personeel, gepluk word nie.
7. **Verbode terrein, te alle tye, tydens skoolure**
  - 7.1 Personeelkamer
  - 7.2 Fietsrakke
  - 7.3 Tennisbane, netbalbane, swembad, krieketnette en skietbaan
  - 7.4 Busskuur
  - 7.5 Dam, Bome, Takke en op mure
  - 7.6 Koshuisterrein
  - 7.7 Landboutuin
  - 7.8 Klaskamers (slegs tensy toestemming van personeel verkry is)
  - 7.9 Naby voertuie
  - 7.10 Voor hoofgebou
  - 7.11 Area om Volksie
  - 7.12 Saal
  - 7.13 Gange

### **FIETSE, MOTORFIETSE EN MOTORS:**

1. Leerders **mag nie** op die skoolterrein met fietse, motorfietse/motors ry nie.
2. Alle fietse **moet** in die fietsrakke in die vierkant gebêre word. Die eienaar van die fiets **moet** die nodige stappe neem om diefstal te voorkom.

## GEDRAG:

### ALGEMEEN:

1. 'n Leerder wat Erekleure ontvang het en hom/haar skuldig maak aan 'n oortreding waardeur die skool se naam oneer aangedoen word, kan voor 'n tugverhoor deur die Beheerliggaam gedaag word en sy/haar erekleure kan van hom/haar ontnem word.
2. Leerders **mag nie** in gevegte betrokke raak, ander leerders opsweep, beledig, boelie, intimideer/mishandel nie.
3. Leerders moet hulle **weerhou** van kriminele, immorele en godslasterlike optrede.
4. Leerders moet hulle **weerhou** van haatspraak, seksisme en rassisme.
5. Leerders **mag geen** graffiti op die skoolterrein /eiendom aanbring nie.
6. Leerders word, ter wille van goeie etiket en respek, versoek om te alle tye te let op:
  - 6.1 taalgebruik
  - 6.2 nie te loop/staan met hande in hul sakke nie
  - 6.3 hoflikheid (staan op en groet beleefd)
  - 6.4 kou van kougom in skooldrag, op skoolterrein/koshuisterrein word **verbied**.
  - 6.5 liefkosing in skooldrag (hande vashou ingesluit)/op skoolterrein/koshuisterrein, word verbied
  - 6.6 aanvaarbare toiletgewoontes
  - 6.7 onbetaamlike gedrag in die openbaar te vermy (ook na ure wanneer jy as leerder van Hoër Volksskool geïdentifiseer kan word)

### SAAL:

1. Volle skooldrag, baadjie en das (seuns) **word vereis vir elke saalbyeenkoms**.
2. Leerders **sit in rye** volgens grade.
3. Leerders **is stil** tydens die saalbyeenkoms en gee erkenning (handeklap) vir prestasies op 'n ordelike wyse.
4. Leerders **staan op aandag** (regop en met hande langs hul sye) tydens die sing van die volkslied en skoollied.
5. Spankapteins wat verslag lewer van deelname, **moet voorbereid wees**, die regte terme gebruik en **suiwer** Afrikaans praat.
6. Formele byeenkomste in die saal **moet ordelik en stiptelik** wees.

### GANGE:

1. Stap in enkelrye, ordelik, flink en met die **kortste roete** na die volgende klas.
2. **Geen tasse** in die skoolgebou tydens pouse nie.
3. **Geen etery of drinkery** in gange nie.
4. Skilderye, foto's, plakkate en kennisgewings mag nie **beskadig of verwyder** word nie.

### KLASKAMERS:

1. Die **spesiale reëls** wat vir die gebruik van die laboratorium, biblioteek, kombuis en rekenaarlokaal geld, moet **streng** nagekom word.
2. Leerders moet **betyds** by klasse opdaag en **mag nie** sonder toestemming van die betrokke onderwyser uit die klaskamer beweeg/afwesig wees nie.
3. Leerders **mag nie** voorwerpe in die klaskamer gooi nie.
4. Leerders moet alle nodige handboeke, skryfboeke en skryfbehoeftes te alle tye beskikbaar hê.
5. Leerders **moet altyd eerlik wees** tydens toetse en eksamens en met werksopdragte.

6. Water moet in 'n **deurskynende plastiekbottel** wees en mag, met die goedkeuring van die klasonderwyser, tydens klastyd gedrink word. Bottels moet tydens pouse hervul word.
7. Leerders **moet** alle redelike opdragte van die personeel, leerlingraad en klasverteenvoerders uitvoer.
8. Leerders **mag nie** sonder toestemming praat of rondbeweeg nie.
9. Tree met die nodige **respek** teenoor jou onderwyser en medeleerders op.
10. Gooi alle rommel in die houer voorsien.
11. Toerusting, skoolbanke en mure **mag nie** beskadig word nie en **moet** skoon gehou word.

## **KLEREDRAG:**

### **SKOOLDRAG:**

#### **SEUNS:**

#### **SOMER:**

Grys langbroek of kortbroek

Wit hemp

Langmou/moulose maroen trui

Grys Volksskool kniekouse

Swart toeryg skoolskoene

Lyfbande : bruin/swart/grys met gespes dieselfde grootte as lyfband  
(**geen** simbole/spreuke)

***SAALPERIODES is kleurbaadjie en das verpligtend***

#### **WINTER:**

Grys langbroek

Wit langmouhemp

Das (lengte tussen 4de en 5de knoop van bo)

Wit/swart/maroen serp

Swart handskoene

***SAALPERIODES is kleurbaadjie en das verpligtend***

**SLEGS:** 'n wit T-hemp **SONDER** drukwerk mag onder skooldrag gedra word.

#### **DOGTERS:**

#### **SOMER:**

'n Maroen geruite rok (roklengte  $\pm$  4 vingers bo knie as dogter op knieë staan)

Langmou/moulose maroentruï

Kort, wit sokkies

Swart skoolskoene

***SAALPERIODES is kleurbaadjie verpligtend***

#### **WINTER:**

Maroen rok met swart sykouse/maroen langbroek met maroen/swart kniekouse

Wit langmouhemp

Das

Wit/swart/maroen serp

***SAALPERIODES is kleurbaadjie en das verpligtend***

**SLEGS:** 'n wit T-hemp **SONDER** drukwerk mag onder skooldrag gedra word.

## **LEWENSORIËNTERING (LO)**

#### **SEUNS:**

Swart kortbroek

#### **DOGTERS:**

Maroen/swart kortbroek/rompie

#### **SEUNS EN DOGTERS:**

**SKOOLSWEETPAK** moet volledig gedra word. Tydens klaswisseling word sweetpakbaadjie aangetrek en ritssluiters tot bo toegetrek. Swart Volksskool T-hemp met maroen kraag **OF** wit Volksskool gholfhemp met maroen kraag. Wit/swart sportkouse en erkende hardloop- of tennistekkie.

'n **VOLLE SWEETPAK** mag andersins slegs gedra word wanneer voorgeskryf deur sport- of vakonderwyser.

### **MATRIEKS:**

Swart langmou/moulose matriektrui en goedgekeurde matriekbaadjie (op skooldae, behalwe Maandae)

### **SPORTDRAG:**

- **Slegs** eerste spanne se wedstryddrag mag afwyk van die voorgeskrewe sportdrag.
- **Geborgde hemde** vir alle spanne **mag slegs** swart, wit of maroen wees en **alle borgaansoeke** word deur die kantoor hanteer.

### **ATLETIEK:**

#### **SEUNS:**

Swart kortbroek

Wit gholfhemp met maroen kraag/maroen moulose sporthemp/maroen atletiekfrokkie/swart Volksskool T-hemp. Spykerskoene/hardloopskoene

#### **DOGTERS:**

Maroen/swart kortbroek

Wit gholfhemp met maroen kraag/maroen moulose sporthemp/maroen atletiekfrokkie/swart Volksskool T-hemp. Spykerskoene/hardloopskoene

### **TENNIS:**

#### **SEUNS:**

Swart kortbroek

Wit gholfhemp met maroen kraag

Maroen/wit pet en tekkies

#### **DOGTERS:**

Maroen rompie/swart maroen kortbroek

Wit moulose sporthemp/maroen moulose sporthemp

Maroen/wit pet en tekkies

### **SWEM:**

#### **SEUNS:**

Swart swembroek by formele Volksskoolgalas en kompetisies

Swart Volksskool swemkappe

#### **DOGTERS:**

Swart eenstukkostuum by formele Volksskoolgalas en kompetisies

Swart Volksskool swemkappe

### **GHOLF:**

Ligbruin chino, swart gholfhemp, erkende gholfskoene/sportskoene



### NETBAL:

Maroen rompie  
Wit gholfhemp met maroen kraag  
Erkende sportskoene  
Wit kouse  
**Geen** juweliersware nie

### KRIEKET:

**Eerste span:** wit langbroek  
**Tweede span:** wit kort- of langbroek  
Rugbykouse  
Wit gholfhemp met maroen kraag  
Wit kriketskoene/sportskoene  
Wit krikethoed/Volkskool pet

### HOKKIE:

Maroen rompie  
Wit gholfhemp met maroen kraag/maroen sporthemp  
Hokkiekouse  
Erkende hokkieskoene/sportskoene  
Monskerm  
Beenskatte  
**Geen** juweliersware

### RUGBY:

Swart kortbroek  
Rugbytrui  
Rugbykouse  
Rugbystewels  
Monskerm

### OEFENDRAG:

Volkskool oefenklere moet tydens sportoefeninge gedra word. Indien leerders elke dag by oefeninge betrokke is, mag slegs wit/swart T-hemp ook gedra word by die oefeninge.

### EREKLEURE:

- Maroen baadjie met omboorsel. Omboorsel by moue  $\pm$  10cm vanaf die onderkant.
- 'n Wit toeknoophemp met erekleuredas word die hele jaar gedra (seuns) en gedurende wintermaande (dogters).
- Erekleure word getoon deur 'n goue balkie, aan die linkerkant, onder die sak.
- Erekleuretoekenning(s) word bo mindere toekenning(s) getoon. 'n Aktiwiteit word slegs **eenmalig** deur middel van die hoogste toekenning getoon.

## NETHEID EN VOORKOMS:

### AANDFUNKSIES BY DIE SKOOL EN “CIVVI” DAE:

Die persoonlike voorkoms en kleredrag moet voldoen aan die welvoeglikheidsnorme wat normaalweg aanvaar word in die gemeenskap wat deur die skool bedien word.

### ONDERSTEUNING:

- By Redenaars- of debatbyeenkomste word **volle** skooldrag gedra.
- Tydens sportgeleenthede gedurende die kwartaal, waar Volksskool verteenwoordig word, word **volle skooldrag** gedra tydens tuiswedstryde.
- Tydens **Interskole** *dra alle deelnemers en ondersteuners volle skooldrag*.
- Dogters wat deelneem, kan by **wegwedstryde** 'n volle sweetpak dra.

**JUWELE EN VERSIERINGS:**  
**(waar skool sigbaar verteenwoordig word)**

- **Geen** versierings soos hangertjies en arbande mag gedra word nie.
- Horlosies: Armhorlosies sonder enige versiersels, slegs swart/wit/maroen/bruin/silwer en goudkleurig word toegelaat.
- Oorbelle: **slegs dogters:** **slegs** knopies (“studs”) van maksimum 4 mm;  
**slegs gr 11 en 12 dogters:** pêrelkleurige oorbelle wat by die klerewinkel te koop is;  
**slegs** een per oor in die onderste lel in albei ore;  
beide silwer/goud
- **Geen** vorm van grimering en gekleurde naellak word toegelaat nie. Naels **moet** kort wees (seuns en dogters)
- Erkende skooltekens vir leierskap/sport en kultuur in die betrokke jaar verwerf, asook die landsvlag mag gedra word.

## HARE:

Hare **mag nie** onnatuurlik gekleur word nie;  
Hare **mag nie** in lae “steps” gesny word nie;  
**Geen** stileermiddels word toegelaat nie.

## SEUNS:

**Moet** elke dag skoon geskeer wees.  
Wangbaarde (“sidies”) moet net tot in die middel van die oor wees.  
As hare vorentoe gekam word, moet dit nie die wenkbroue raak nie.  
**Mag nie** oor die ore hang nie.  
**Mag nie** aan die kraag raak as jy regop staan nie.  
**Mag nie** langer as 4 cm bo-op die kop wees nie.  
**Moet** netjies om die ore, kante en agter wees  
**Moet** in ‘n natuurlike styl gekam word.

## DOGTERS:

**Mag nie** in die oë hang nie en **moet** met knippies vas wees as dit langer as die wenkbroue is.  
**Moet** vasgemaak word as dit langer as die onderkant van die kraag hang.  
Haarbande/rekkies **moet** in maroen/wit/swart wees.  
Haarverlengstukke **moet** dieselfde kleur as die natuurlike hare wees.  
Hare **moet** in ‘n natuurlike styl gedra word.  
Haarversiersels **mag nie** gedra word nie.

## DISSIPLINE:

### KDD-SISTEEM VIR DISSIPLINE:

Volgens Hettie Britz is dissipline die doelgerigte vorming van 'n kind se denke, besluite, gedrag, gesindheid en karakter op pad na selfbeheersde volwassenheid.

Hoër Volksskool is trots om die dissipline sisteem van Hettie Britz te kan gebruik. Die dissipline sisteem is gegrond op haar boek, "***Kweek Dissipline met Deernis***". Volgens hierdie sisteem gaan Hoër Volksskool nie alleen wangedrag aanteken nie, maar ons gaan ook fokus op positiewe, uitsonderlike en verbeterde gedrag. Ons ondersteun die KDD-proses met 'n rekenaarsstelsel wat kontinuïteit en regverdigheid deur opvoeders verseker.

### Die waardes waarna Hoër Volksskoolleerlinge in 2019 moet streef, is :

***EERLIKHEID / RESPEK / VOLHARDING / VERDRAAGSAAMHEID /***

***POSITIWITEIT / LOJALITEIT /***

***ONDERWERPING AAN GESAG / GETROUHEID EN BEDAGSAAMHEID***

Leerders kan drie tipe inskrywings teen hul kry, naamlik :

1. KORREKSIEPUNTE : Dit word gegee vir onverantwoordelikheid, onvolwasse optrede, aandagsoekende gedrag, onvermoë en ongelukkies.  
LIMIET= 10 punte
2. STRAFPUNTE : Dit word toegeken as leerder nie gesag aanvaar nie, moedswillig ongehoorsaam is en vir boeliegedrag.  
LIMIET = 2 punte
3. KRISISPUNTE : Leerder ontvang so 'n punt as daar enige ernstige krisis met leerder is/as leerder hom/haar skuldig maak aan abnormale/onwettige gedrag.  
LIMIET = 1 punt

Sodra 'n leerder sy/haar **limiet oorskry**, word die ouer/voog gekontak en 'n aksieplanvergadering word belê tussen onderwyser, ouers/voogde en leerder.

**Woensdae en Vrydae** word strafdienste **na skool** deur die leerders gedoen.

**Strafdienste** word in skooldrag gedoen. **Geen huiswerk word tydens strafdienste gedoen nie.**

***GEEN selfone en/of enige elektroniese toestelle word in die leerders se besit toegelaat tydens skoolure nie. Indien 'n leerder met 'n selfoon/toestel betrap word, word die foon/toestel afgeskakel en met alles (sagteware/battery, ens.) vir 90 dae vanaf konfiskering (wat vakansies mag insluit) in die kluis van die skool toegesluit.***

***Juwele wat van leerders gekonfiskeer is, word vir 14 dae in die kluis by die skool toegesluit.***

## VAKKEUSES:

### GRAAD 8 EN 9 :

#### Standaardleerplan in alle skole:

Afrikaans Huistaal  
Engels Eerste Addisionele Taal  
Wiskunde  
Natuurwetenskappe  
Sosiale Wetenskappe  
Ekonomiese- en Bestuurswetenskappe  
Tegnologie  
Kuns-en Kultuur  
Lewensoriëntering

### GRAAD 10, 11 EN 12:

#### VERPLIGTE VAKKE:

Afrikaans Huistaal  
Engels Eerste Addisionele Taal  
Lewensoriëntering  
Wiskunde/Wiskunde Geletterdheid

#### EEN VAK UIT ELK VAN DIE VOLGENDE GROEPE:

GROEP 1: Fisiese Wetenskap / Landbouwetenskap / Besigheidstudies

GROEP 2: Lewenswetenskap / Rekenaartoeëpassingstegnologie / Verbruikerstudies

GROEP 3: Rekeningkunde / Ingenieursgrafika en –ontwerp / Toerisme

NOTA RAKENDE FISIESE WETENSKAP: Suiwer Wiskunde is **verpligtend** indien Fisiese Wetenskap as vak geneem word.

## TOELATING TOT 'N UNIVERSITEIT:

Hier moet duidelik onderskei word tussen sogenaamde “**matrikulasievystelling**” wat beteken 'n leerling kan toegelaat word tot 'n universiteit en toelating tot 'n spesifieke kursus aan 'n universiteit.

Vir toelating tot 'n universiteit moet 'n leerling 50 % in Afrikaans Huistaal behaal, asook 50 % in enige ander 3 vakke, Lewensoriëntering uitgesluit.

Toelating tot 'n universiteit beteken nie noodwendig toelating tot 'n spesifieke kursus nie. Verskillende kursusse het verskillende vereistes wat die toelatingpunt genoem word. Die toelatingpunt word bepaal deur die som van die syfersimbole behaal per vak (in die meeste gevalle ALLE vakke, behalwe Lewensoriëntering). Dit verskil egter van universiteit tot universiteit en van kursus tot kursus.

## **VOLKSKOOL KLEREWINKEL:**

Daar is 'n ten volle toegeruste Klerewinkel op die perseel van Hoër Volksskool.

### **Winkelure:**

Maandae : 10:00 tot 11:00

Woensdae : 16:00 tot 17:00

Vrydae : 10:00 tot 11:00

### **Aan die begin van 'n nuwe kwartaal :**

: 09:00 tot 12:00

Ouers is welkom om gebruikte skoolklere en sporttoerusting as skenkings na die klerewinkel te bring, wat weer uitgedeel kan word aan dié wat nie het nie.

Ou en verslete Volksskoolklerasie moet/kan ook by die winkel ingehandig word vir vernietiging.

Die klerewinkel is **gesluit** gedurende vakansies.

Facebook : Volksskool klerewinkel

Telefoonnommer : Sanet Grassman  
076 097 3875

**\*\*\*\*\* LET WEL: HIERDIE PROSPEKTUS IS SAAMGESTEL VIR 2019 EN**  
**DAAR MAG VERANDERINGE WEES VIR 2020 \*\*\*\*\***

## GRAAFF-REINET

### JUWEEL VAN DIE KAROO

*In die hart van ons land in die Groot Karoo  
lê Graaff-Reinet uitgeswel soos 'n rondvet kambro  
Sondagsrivier het jou mooi omgesoom  
en jy kan oor baie jare se skatte bly droom*

*Teen die hange van Sneeuberg en Ouberg se rand  
steek die hoogmiddagson 'n kanniedood aan die brand  
Angorabokkuddes kook soos melk oor die hang  
en die jongmense jol by Van Ryneveldspasdam*

*Die noordwestewind stof Spandauskop af  
huil deur die kokers en draf Verlatenheid kaf  
tiekiedraai om jaar toet se ou wingerdstok  
woed deur Drostdyhof en lui die slaweklok*

*En daar is ghwarriebos en wildepruim  
noem-noem en granaat  
tussen soetdoring en karee  
kry koedoebul sy maat*

*Stap ons verby 'n groen museumdeur  
en vee dan 'n traan oor outydse geur  
word gister se waspore môre se hoop  
Graaff-Reinet het 'n pad deur ons harte kom loop*

*Geskryf deur: Kowie Rossouw*